

香桂麴

每麴一百斤分作五處

木香 一兩

官桂 一兩

防風 一兩

道人頭 一兩

白朮 一兩

杏仁 一兩去皮尖細研

右件爲末將藥亦分作五處持入麴中次用蒼耳二十斤  
蛇麻一十五斤擇淨剉碎入石臼搗爛入新汲井水二斗  
一處揉如藍相似取汁二斗四升每一分使汁四升七合  
竹筴落內一處拌和其踏罨與頓遞祠祭法同

杏仁麴

每麴一百斤使杏仁十二兩去皮尖湯浸於砂盆內研爛  
如乳酪相似用冷熟水二斗四升浸杏仁爲汁分作五處

拌麴其踏罨如頓遞祠祭法同

已上罨麴

瑤泉麴

白麴六十斤 上饒蒸

糯米粉四十斤 一斗米粉秤得六斤半

已上粉麴先拌令勻次入下項藥

白朮 一兩

防風 五錢

白附子 五錢

官桂 二兩

瓜蒂 一分

檳榔 五錢

胡椒 一兩

桂花 五錢

丁香 五錢

人參 一兩

天南星 五錢

茯苓 一兩

香白芷 一兩

肉荳蔻 一兩

右件藥並爲細末與粉麴拌和乾再入杏仁三斤去皮尖